

www.BibleForChildren.org

A Vuhuna 3



E Adam i vunua a rane girihina e
Eva, a vuhuna bara ia e kinane
huriki lobo.



A mata i moro hateka na rabu na taminga, i rangi a maka livoa lobo e BAKOVI DAGI a Vure i rata rike. I nanea a ngatavine, "I muholi a Vure i taki marua, nahea muru gu kani a maka kanena kai lobo na hania?"



A ngatavine i koli,
i ta maea, "Maria
bara miri kani lobo a
maka kanena kai na
hania, pali a Vure i taki
maria tabu nahea miri gi
kani a kanena kai na
kurukuruna hania,
nahea miri gi padoi ia,
ma ga miri gi mate."



Lakea a mata i
takia a ngatavine,
"I uka ma muru gu
mate. I uka liu. A Vure
i lohoka, bara muru kania,
a matane marua bara i
palala, bara muru manga
a Vure na nilohoka na
naro kamumu na
naro hale."



Ngane a ngatavine i masia a kanena
kai i kamumu na nikanina, i kamumu
na matana, i ngaru ni tahoka a
niluhoi dagi. I bolea, i kania.
Muri i bole a kalavana
i habia ne girihina,
ia tara i kani.



Muri a matane rua i palala, ru
matakilala rua ru bobo, pali ru
rahi a pagana kai a pik, ru
kapikari rua vona.





Lakea e BAKOVI DAGI a Vure i galea a bakovi,
"Adam, ioe vai?" E Adam i koli mule, i ta maea,
"A longo ioe o laho na hania, a mangenge."





“A kapiloho a vuhuna a bobo.” Lakea a
Vure i nanea, “E re i taki ioe o bobo? Ra ioe,
o kania a kanena kai a ta pupukari ioe vona?”



A bakovi i koli, i ta maea, "Ra ngatavine o vakamade turagu, ia kunana i habia nau a kanena kai, a kania." Muri e BAKOVI DAGI a Vure i nanea a ngatavine, "A ra o ratea ke?" Lakea a ngatavine i koli, "A mata i tami iau a kania a kanena kai."



Lakea e BAKOVI DAGI a Vure
i tono talea na hania o Iden a
bakovi, ge hamule, ge leho na
malala ni rata rike ia vona.






A Vure i tono talea pali a bakovi,
muri i vakapesi na nirikena haro na
hania o Iden ranga agelo, turana
a vito i hube i vito vito lae, ri
gi tagaria a dala
lakea na kai
na nimahuri.



E Adam i mahita turana e girihina, e Eva, i singou, i podea e Kain. Lakea e Eva i ta maea, "I tuhori iau e BAKOVI DAGI, a vakabelea a bakovi." Muri i podea e Abel, e tarine Kain. E Abel i matakari a sipsip, e Kain i leho na hania.



Na parava tara e Kain i bole ranga maki ni kani na hania ge a nihabi ne BAKOVI DAGI. Pali e Abel i bole a maka tuna sipsip a tabua i vi. Lakea e BAKOVI DAGI i ngarua a nihabi ne Abel, pali a nihabi ne Kain, i uka ma i ngarua. Ngane e Kain i madihi a hatena, i robo a matana.



Ngane e Kain i turea e tarina, i ta maea,
"Abel, tu lakea na hania." Lakea ru vano.
Na tahuna ru bele na hania, lakea
e Kain i ubi matea e tarina.



Muri e BAKOVI DAGI i nanea e Kain, "Avia e tarimu e Abel?" E Kain i koli mule i ta maea, "I uka ma a masia. Ra iau, ge iau a vora ni matakari e tarigu?" Muri e Kain i pea e BAKOVI DAGI, i vano i made na robo e Nod, na tabeke na nirikena haro o Iden.



E Adam i mahita turana tabu e girihina, lakea e girihina i podea a koma bakovi, i vunua e Set. Lakea e girihina i ta maea, "A Vure i habi tabua nau a koma ge bole a murine Abel, ra i rabalakia e Kain."



Muri ne Set ni poda, ni poda tabu ranga e tuna a bakovi a ngatavine. Muri e Adam i tahoka tabu a pida i 800. A pida ne Adam, ni gi palupu lobo, i 930, muri i mate.



E BAKOVI DAGI i matai a narone
huriki na malala i hale liu, a maki ri
luhoi kunanea a naro hale. I tapuhaki
i ta maea, "Iau ga vakalobo koea
na malala e huriki a bakovi
a rata rike."



“Paliga vakalobo tabu a maka livoa, a kadirovo, turana a maka maki lobo ri laho na robo, a vuhuna iau a kilu vona a hini a rata rike a maka maki nga.”



Pali e BAKOVI DAGI i vivi vona e Noa.
E Noa i tahoka e tuna i ala tolu:
e Sem, e Ham e Iapet.



I mavonga a vuhuna a Vure i ngaru
hateka e huriki na malala, lakea i
rudua e Tuna a bakovi a madiva ge
mate, lakea e rei a viri i luhoi
tora ia i uka ma ge velu, bara
i bole a nimahuri
vakaroro.



Rom 3:23 Hita lobo si rata pali a naro hale, si marava basi na bagetuanga na Vure.

Rom 6:23 A mapana naro hale a matenga. Pali a nimahuri vakaroro, a Vure i habi tavula ne hita, a vuhuna si rihi e Isu Kristo, a Bakovi Dagi ne hita.

Hibru 9:27 Hita lobo bara si mate balaka taku kunana. Muri bara si pesi na matana Vure, ge pelekado hita.

Epesus 2:8,9 A Vure i rata kamumu mua, i korimule mua, a vuhuna mu luhoi torea. Ra hini mu luhoi torea, i uka ma i valai ne mua. A Vure i habia ne mua a niluhoi iea. I korimule mua, i uka ma i ramai a naro kamumu mu ratea, i mavonga i uka tara viri ge bibi rike mule a rana.



Rom 10:9,10 I mavonga, na ngavamu o taki tala ne Isu ia a Bakovi Dagi vomu. Na hatemu, o luhoi torea a Vure i vakamahuri mulea na matenga, lakea a Vure bara i korimule ioe.

E huriki ri luhoi torea e Isu na hatene ria, a Vure bara i taki ria ri malamala. E huriki ri ta tala na ngavane ria, ne Isu ia a Bakovi Dagi, a Vure bara i korimule ria.

Loanes 3:16,17 "I mavonga a vuhuna a Vure i ngaru hateka e huriki na malala, lakea i rudua e Tuna a bakovi a madiva ge mate, lakea e rei a viri i luhoi tora ia i uka ma ge velu, bara i bole a nimahuri vakaroro." A Vure i rudua e Tuna a bakovi i valai na malala, i uka ma ge pelekado e huriki. I rudu vilia ge korimule e huriki na limana.



1 Loanes 5:11-13 A ngava a Vure i vakalongo hita vona i maea, ge habi ne hita a nimahuri vakaroro. A nimahuri vakaroro iea i valai ne Tuna. E rei a viri i laho turana Tuna Vure bara i tahoka a nimahuri vakaroro. Pali e rei a viri i uka ma i laho turana Tuna Vure i uka ma ge tahoka a nimahuri vakaroro. Iau a here a ngava nga lakene mua e huriki mu luhoi torea a rana Tuna Vure, mu gu lohoka vona mu tahoka a nimahuri vakaroro.



A Vuhuna 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Bola Bible (bnp) © 2011 Wycliffe Bible Translators, Inc.
All rights reserved.

<https://live.bible.is/bible/BNPWBT/GEN/1>

©2024 Bible for Children, Inc.

www.M1914.org

www.bibleforchildren.org

